



Svjetski dan okeana

"Život i egzistencija"

2021

Ujedinjeni Narodi svake godine 8. juna obilježavaju Svjetski dan okeana, u čemu im se pridružuju mnoge zemlje, uključujući i Bosnu i Hercegovinu. Svjetski dan okeana obilježava se s ciljem podizanja svijesti i usmjerenjem globalne pažnje na važnost očuvanja zdravlja okeana, zatim kao prilika da se istaknu dobrobiti koje ljudska vrsta od njih uživa, ali jednako tako i da se upozori na utjecaj koji našim djelovanjem nanosimo okeanima

Obilježavanjem Svjetskog dana okeana želi se istaknuti individualna, ali i zajednička dužnost i odgovornost da se prema okeanima (ali i prirodi općenito) odnosimo odgovorno i održivo, kako bi i buduće generacije mogle na jednak način u njima uživati. Ne samo u vidu dobrobiti i resursa, već i u vidu same njihove ljepote. Okeani i vodenim svijet nisu samo resursi potrebni društvu, oni su neizostavan dio svijeta u kojem živimo te trajući i iscrpljujući njih, ozbiljnu štetu nanosimo i sami sebi.

Globalno onečišćenje, pa jednako tako i onečišćenje svjetskih mora gorući je problem pred kojim kao vrsta stojimo. "Zahvaljujući" našem utjecaju svake godine nebrojene količine otpada i nerazgradivog materijala završe u okeanima, čime ozbiljno ugrožavaju i biljne i životinjske vrste koje okeanom zovu svoj dom. Plastične vrećice, slamke, boce, a pod najnovije i predmeti poput jednokratnih zaštitnih rukavica koje su se za vrijeme Covid-19 pandemije izrađivale u velikim količinama, triju i zagađuju naša mora. Ljudski se otpad danas može naći i na najvećim dubinama okeana, a jednako tako i na njegovim najudaljenijim točkama. Danas više ne postoji mjesto na kojem nema otpada.

Okeani i svjetska mora čine 71% površine planete Zemlje. Oni su pluća našeg planeta i daju nam većinu kisika kojeg udišemo. S druge strane enorman su izvor naše hrane i lijekova. Snažno utječu na klimu i neizostavan su dio biosfere. Jednako tako, bogatstvo raznolikosti i pojavnosti vodenog svijeta oduvijek je bio predmet divljenja, ali i strahopštovanja te neiscrpan izvor koji je hranio ljudsku kulturnu i umjetničku baštinu.

Ovogodišnja tema Svjetskog dana okeana je "Život i egzistencija", služi kao podsjetnik da je život u okeanu usko povezan sa životom i egzistencijom ljudi koji ovise o zdravom okeanu.

Čuvajmo svjetska mora i okeane, jer promjena počinje s nama!